



partii naleraq

UKA 2015/34-0

24.11.2015

**Apeqquteqaat aallaavigalugu Kalaallit Nunaat suli minguinnerusoq Inatsisartuni oqallisissiatut siunnersuutigineqarpoq**

(Inatsisartunut ilaasortaq Anders Olsen, Siumut)

Inatsisartunut ilaasortaq Anders Olsen, Siumumeersup, apeqquteqaat aallaavigalugu Kalaallit Nunarput suli minguinnerusoq pillugu oqallisissiatut siunnersuutaa Partii Naleqqamiit imannak oqaaseqarfigissuarput.

Siunnersuut inatsisartullu oqaaseqaatissaattut siunnersuut Partii Naleqqamiit tamakkiisumik taperserpavut, tassami erngup nukinga, imerujussuarlu aamma nilak, nunatsinni suli annertunerujussuarmik aamma aningaasarsiornermut iluaqutigisinnaagivut Partii Naleqqamiit qularutiginnigilluinnaratsigu.

Taamaammata-una aamma Partii Naleraq-miit ikiaq manna inatsisartut ataatsimiinnissatsinnut erngup sermillu nunatta avataanut niuerutigalugu aningaasarsiuutiginerulersinnaanera pillugu oqallisissiaqartugut.

Partii Naleqqamiit tunngaviusumik isumaqarpugut imeq sutigut tamatigut atorluartariaqaripput, naammattorsuaq pingaarput aamma nalunngilarput nunarsuarmioqatitta ilarparujussuisa imissaqarniarneq assorujussuaq ajornartorsiutiginga, ukiunilu aggersuni suli amingaatigilertussaangaat.

Taamaattumik erngup atorluarneqarnissaa, nukissiuuteqarnermut il.il. annertusartariaqaripput Partii Naleqqamniit isumaqarpungut.

Siunnersuuteqartoq ilumoorluinnarpoq, erngup nukinganik nukissiuuteqarnermut tunngatillugu illoqarfiit, nunaqarfiillu sapinngisamik amerlanerpaat, nukimmik silaanarmut mingutitsinngitsumik atuinerulernissaat pisariaqarpoq, soorlu siqerngup, anorillu nukingi eqqarsaatigalugit. Taakkua saniatigut kuuit aamma atorluarneqarsinnaasut ilaatigut nunatta kujataani uppersarnerqareerput,

taamaattumik nukinnik mingutitsinngitsunik atuisinnaanerput, taamaallaat politikikkut aaliangernissamut tullerriaarinermi piumassuseq apeqqutaavoq.

Uagut Partii Naleqqamiit isumaqarpugut, erngup suli annerusumik atorluarneqarnissaa suliassanut siullernut ilaatinneqartariaqartoq, tassami avammut niuernitsinnut aningaasarparujussuarnik pissarsissutaasinnaanera qularutiginninnatsigu.

Taamaattumi Partii Naleqqamiit aamma isumaqarpugut, maannakkut erngup nunatta avataanut niuerutiginiarneqarnerani akitsuusersuineq tunuarsimaarfigineqartariaqartoq, tassami imeq avammut niuerutigineqarnerulissappat, tunisassiorniartut aningaasaqarnikkut patajaallisarneqarnissaat aamma qulakkeerneqartariaqarmat.

Illua-tungaaticut isumaqarpugut, imeq nunani allaniit tikisittangarput, namminerlu imiutitsinnut unammillertoq qaffasissumik akitsuuserneqartariaqartoq, tassami imerujussuarnik peqarearluta, soormi imermik nunani allaneersumik nioqquteqarnerput sianiilliornerinnaanani aningaasanik nunatsinniit aniatitseqataavoq.

Taama naakkaluamik oqaaseqarluta siunnersuut taperseqqipparput, oqalliseqataanissamullu qilanaarpugut.